



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Odluka
o pristupanju realizaciji Projekta rekonstrukcije vrtića Kolibri
(Prijedlog)

Predlagač: Gradonačelnica
Obrađivač: Služba za urbano planiranje,
investicije, stambene i komunalne poslove

Sarajevo, maj 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na __. sjednici održanoj dana __. __. 2023. godine, donijelo je:

(Prijedlog)

**Odluku
o pristupanju Projektu rekonstrukcije vrtića Kolibri**

Član 1.

(Predmet Odluke)

Ovom odlukom Grad Sarajevo pristupa Projektu rekonstrukcije vrtića Kolibri (u daljnjem tekstu: Projekat) koji se nalazi u sklopu poslovnog objekta na parceli označenoj kao k.č. 4223/8, K.O. Novo Sarajevo I, u ulici Kolodvorska 11, Općina Novo Sarajevo, Sarajevo.

Prostor vrtića je vlasništvo JU „Djeca Sarajeva“.

Pripadajući prostor vrtića je spratnosti P+1, na kojem je JU „Djeca Sarajeva“ upisana u zemljišne knjige kao nosilac prava raspolaganja na posebnim dijelovima zgrade, sa površinom u prizemlju 116,94m² i površine na spratu 1152,29 m² i terase sa južne strane površine 174m².

Član 2.

(Opredijeljenost)

Gradsko vijeće Grada Sarajeva izražava opredjeljenje da učestvuje u Projektu i daje saglasnost i ovlaštenje gradonačelnici Grada Sarajeva i Pravobranilaštvu Grada Sarajevo da u okviru svojih nadležnosti poduzimaju sve potrebne pravne, organizacijske, tehničke, administrativne i finansijske radnje i aktivnosti u cilju uspješne realizacije Projekta.

Član 3.

(Dužnosti)

Daje se ovlaštenje gradonačelnici Grada Sarajeva da sa Ministarstvom za odgoj i obrazovanje Kantona Sarajeva, Općinom Novo Sarajevo, Zavodom za izgradnju Kantona Sarajevo i JU „Djeca Sarajeva“, a u cilju realizacije Projekata, potpiše sporazum kojim će se precizirati sva pitanja od značaja za realizaciju Projekta.

Grad Sarajevo je sufinansijer i nosilac realizacije Projekta

Član 4.

(Način finansiranja)

Grad će sufinansirati Projekat u iznosu od 1.250.000,000 KM obezbjeđenih u Budžetu Grada Sarajeva za 2023. godinu.

Član 5.

(Stupanje na snagu i početak primjene)

Ova odluka stupa na snagu danom donošenja, a objavit će se u „Službenim novinama Kantona Sarajevo“.

PREDSJEDAVALAČI GRADSKOG VIJEĆA

Jasmin Ademović

Broj:

Datum:

OBRAZLOŽENJE

I PRAVNI OSNOV

Pravni osnov za donošenje Odluke o pristupanju Projektu rekonstrukcije vrtića Kolibri sadržan je u članu 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisana nadležnost Gradskog vijeća Grada Sarajeva da donosi odluke, druge propise i opće akte i daje njihovo tumačenje.

II RAZLOZI DONOŠENJA

Ovom odlukom pristupa se Projektu rekonstrukcije vrtića Kolibri koji se nalazi u poslovnom objektu na parceli označenoj kao k.č. 4223/8, K.O. Novo Sarajevo I, u ulici Kolodvorska 11, Općina Novo Sarajevo. Prostor vrtića je vlasništvo JU „Djeca Sarajeva“, a Grad Sarajevo je odabrao da bude sufinansijer i nosilac realizacije Projekta.

Ovom odlukom Grad Sarajevo izražava opredjeljenje da se vrtić Kolibri rekonstruira zbog nedostataka sličnih ustanova u lokalnoj zajednici, kao i zbog velikog broja populacije grada koja gravitira tom području. U poslijeratnom periodu ovaj prostor nije nikad u potpunosti rekonstruiran i saniran, tj. isti nije bio u funkciji, te se smatra da bi obnova i rekonstrukcija vrtića bila korisna za sve korisnike, odnosno djecu, roditelje, ali i lokalnu zajednicu. Ujedno, ovaj projekat će doprinijeti kvalitetnijem i adekvatnijem obrazovanju djece u ranom uzrastu, što predstavlja jedan od prioriteta Grada Sarajeva.

Sredstva za sufinansiranje Projekta u iznosu od 1.250.000,000 KM bit će obezbijedena u Budžetu Grada Sarajeva za 2023. godinu. Gradonačelnica Grada Sarajeva i Pravobranilaštvo Grada Sarajeva ovlašteni su za poduzimanje svih potrebnih pravnih, organizacijskih, tehničkih, administrativnih i finansijskih radnji i aktivnosti u cilju uspješne realizacije Projekta.

FINANSIJSKA SREDSTVA

Za realizaciju ove odluke potrebno je predvidjeti sredstva u Budžetu Grada Sarajeva za 2023. godinu.